

ফান্ডামেন্টাল - ২

Shihab Ahmed Tuhin

November 2, 2019

1 MIN READ

১। একজন প্রেম করে। কিন্তু সে জানে এটা হারাম। আল্লাহর কাছে ক্ষমা চায়। বের হয়ে আসতে চেষ্টা করে। আরেকজন প্রেম করে না কিন্তু মনে করে বিয়ের আগে প্রেম করাটা জরুরী। এক দুই বছর ভালোভাবে না মিশে বিয়ে করাটা বোকামী।

২। একজন সুদ খায়। কিন্তু সে জানে এটা হারাম। আল্লাহর কাছে ক্ষমা চায়। বের হয়ে আসতে চেষ্টা করে। আরেকজন সুদ খায় না। কিন্তু সে এটাকে হারাম মনে করে না। কেউ বোঝাতে আসলে গলা বাড়িয়ে সুদকে "ইন্টারেস্ট" বলে জার্সিটফাই করার চেষ্টা করে।

ইসলামিক পরিভাষায় প্রথম 'একজন' কে বলা হয় "**ফাসিক**" মুসলিম। সে গুনাহগার। কাবীরা গুনাহে লিপ্ত। কিন্তু তারপরেও একজন মুসলিম।

আর 'আরেকজন'?

কাফির।

আল্লাহ্ যা হারাম করেছেন তা হালাল মনে করলে কেউ মুসলিম থাকে না।

মেনে চলতে না পারলেও তাই আল্লাহর বিধানকে সেরা হিসেবে বিশ্বাস করা জরুরী। আল্লাহর কাছে ক্ষমা চাইতে হবে। তিনি অসীম দয়ালু।

আল্লাহ আমাদেরকে হালালকে হালাল এবং হারামকে হারাম মনে করার তৌফিক দিন। আল্লাহর কালাম শুনার পরেও "আমার মনে হয় এটা বেশি ভালো" বলা থেকে হেফাজত করুন।

ভালো কথা বলতে না পারি, মুখ দিয়ে যেন খারাপ কথা না বের হয়। মানুষকে ভালো কাজের দিকে যদি না ডাকতে পারি, অন্তত খারাপ কাজের দিকে যেন না ডাকি। আমরা যাতে শত শত মানুষকে গুনাহের সাগরে ভাসিয়ে নিজের পাপ এক্সপোনেনশিয়াল আকারে না বাড়াই।

বহন করার জন্য কি নিজের গুনাহগুলোই যথেষ্ট না?